

中國方志叢書·華中地方·第一五六號

據

清光緒八年
吳景牆
刊本修

影印


江蘇省

宜興荆谿縣志

(一)

成文出版社有限公司印行

sk 90/61



序

我

朝中興歎亂寰海鏡清休養生息十有餘年自直省以及郡縣咸以徵文攷獻爲急務合政教風俗爲一書猗歟休哉此誠千載一時之嘉會已先是予屢曾捧檄于役陽羨從而周歷四境見山川之靈秀城郭之險要土田之奧衍民俗之善良固已如蘇長公所云意思豁然辛巳夏初攝篆宜邑始得披覽誌圖匄稻田賦瞻謁壇廟咨訪遺蹟而於倉儲之建置書院之振興忠孝節義之流傳勲業文章之記載由今證古溯委尋源以爲稍得緒餘庶可補苴不逮况當纂脩志乘之期其敢不夙夜龜皇

以冀共葺厥事載攷志書之設有舊志析縣後有分志有續志
昉於危司訓踵成於王徐二公分脩於櫟山甯氏續纂於仲倫
吳子其間或踰百年一脩或纔數十年一續而莫急於今茲蓋
粵匪倣擾之後圖籍幾盡大使敦促經寒暑變易者屢矣會筱
塘周京兆家居讀禮兩邑令吳公樂源徐公介亭請總裁志局
聘耆宿森齋吳君實司綜脩之任越朞年而宜興荆谿新志十
卷告竣凡爲記者五曰疆土曰營建曰賦役曰文教曰武事爲
表者二曰職官曰選舉而人物別爲一錄以古蹟藝文之攷證
終之且增圖於首綴雜於末以示詳備予乃合前令會稽施君
歸安潘君所刊甯吳二志先後檢閱互相校核竊歎體例之慎

序事之當取舍之公攷據之確而於寇禍之顛末殉難紳民婦女之表彰不啻拳拳三致意焉然後知秉筆者之竭慮殫精而不敢輕心以掉者非有求勝前人之心而實出於時會之不容已也浩刼已過承平重覩積學儒臣方將續王會益地之圖纂職方形方所掌踵事增華以潤色

國家之鴻業而胥於邑志發其凡卽後此通志府志之脩亦藉以旁搜而博採所係誠非淺尠予也會逢其適聿觀厥成猥以菲材廁名簡首旣自幸重自愧矣

光緒八年龍集壬午仲夏之月權知宜興縣事江夏周鐘

序

荆谿自雍正初載析宜興治至嘉慶間始有分纂之志道光庚子續修則或分或合今又四十餘年矣粵寇之平大吏促修志書是邦之志初議統纂者爲前令芝岑潘君與宜令溥生施君中輟復起介亭徐君與宜令樂源吳君主之延聘耆儒吳森齋先生總其事其變統纂爲續纂語在周京兆筱塘序中纂未竟而宜令吳君先歿江夏周君劍泉代之徐君又謝世復兼攝焉辛巳之秋志澄承乏荆谿以年家子謁森齋先生於志局中先生錄示底藁見其體例之善蒐訂之精徵獻徵文洵足信今而傳後開卷之初釐然燦然記山則用山經之法記水則仿水經

之文記物產則參酌乎爾雅呂覽貨殖傳事類賦之體為自來
 志書之規格雖武功靈壽之著名者未或過也至於建造之務
 戶賦之經文事武備之規舊莫不條陳分明綜括簡當宰斯邑
 者資以攷鏡因其風俗而利導之興利除弊如昧諸掌而余讀
 之更有感焉櫟山甯氏之修嘉慶志也職官之後寔附名宦吳
 君仲倫道光志乃別為一門是編所紀直列人物之首謂父母
 此邦何忍外諸夫余固嘗周覽四鄉矣逕張澤之橋幾更圯築
 而南宋之令猶偁張澤宋慶元間縣令建橋於清泉鄉後因以名問和祥之里屢易居
 氓而前明之丞不改山亭鄉有和祥圩明正統間縣丞和祥始築圩岸與張澤橋皆隸荆谿遺烈
 未泯愛而私之蓋先代而已然今茲之冠名宦於人物者或尸

祝未遙或馨香常奉大都爲民牧患者居多固由俗美風醇不
忘長官之德亦涖民者之實有表見故能爭光曩詰俾道于勿
衰也茲邑毘連三省自粵匪敗亂往來皖淞蹂躪頻仍迄於今
民氣未甦田蕪未闢宜何如措施以遂其休養生息之機志澄
竊祿於此兢兢焉勿勝是懼瞻望前賢心焉嚮往邦之君子有
能匡正而輔翼之抑志澄之大幸歟志成例得弁言於是乎書
光緒八年歲在元默敦牂橘余月知荆谿縣事嘉興錢志澄

宜興荆谿縣新志序

賜進士出身前總理各國事務大臣順天府府尹周家楷謨地志臚于漢史方志掌于周官而上世九州之志謂之九邱邱者區也土地所生風氣所宜厥區以別實省志之權輿降及後禩則郡邑胥有志矣余於戊寅歲承乏順天府尹府故未有顯志余既視事樹議擬纂請于

朝得報可羔雁名流漁獵古籍方屬橐而余以母喪去官反葬還鄉敷門不出既小祥邑侯鳳翔吳公遂昌徐公鍾門求見以總裁邑志爲請余惟宜興之志自我祖孝侯屢記風土趙宋二單踵之危司訓王別駕輯修於明代徐司理增述於

本朝至雍正析縣荆谿後甯氏刪前編爲舊志隸近事爲分志
疏冗交譏之仲倫吳氏以古文雄伯僅賡綴於道光之間補之
增之爲續志則一書而析爲三迄今又四十載統纂固綦急哉
粵賊初平大吏命各州縣修志書宜興荆谿初議通纂任靜山
年丈綜其事集采輿論咸以世丈森齋吳先生年望最高總修
爲宜先生鄉居僻遠續學逃名遷延未至也兩邑侯施公溥生
潘公芝岑議請潘詒清明經崔石甫司教先爲分修崔旣不赴
詒清獨與李憇堂任卓儒兩司訓並蔣振之明經分任之未及
就靜山年丈以病去任荆門前輩繼之復以官去在局諸君先
後以事謝去大吏索書甚亟不得已仍刊前志並新彙未定者

哀錄上之彙經條斥嗣是上臺之檄迫於星火厲於雷霆限逾
促而逾莫敢應事遂中輟夫邑志所以備府省志之采擇也遺
漏多而體裁駁以評未成之彙宜已余旣才疏學識又陳椽宦
途梓鄉睹聞槩乎恟恍然志乘以察泊忽久而勿成居是邦者
豈獨諉爲守土之責與爲致書省臺寬其時復告靜山年丈荆
門前輩偕邑侯同造森齋先生之廬而請先生曰續復加續爲
乖體刊復改刊爲費貲使新纂者獨爲一書別出而不沿襲舊
存者並資參攷互詳而無複纏可乎皆曰善遂刻期開局更延
分纂諸君昕夕編摩吳徐二侯挾旬率數至徐故名進士商定
講求往復靡厭半載而吳侯歿森齋世丈以葦喪去越兩月抵

局則徐侯又歿貲匱計贍拮据擘畫周侯錢侯繼之洎余除服入都而書適成凡十二帙余顏之曰新志與舊志分志續志鈞籤題焉其文簡而不畧詳而不瑣寬而不濫嚴而不苛以視前稟典故十增八事實十增四先生旣自道其義例可勿贅也獨念畿輔有志爲最重余初始未遂乃於鄉邑之編祖宗之著先就續修疑于急私緩公避難擇易之爲矣雖然散者蒐遺者掇紊者理踏者更新志之續其有以異于初乎卽謂吾邑之志爲京府之先聲也可

宜興荆谿縣新志目錄

卷首總揭

叙目 凡例 附圖

卷一 疆土

星野記 建置沿革記 區圖記 山記 水記 要隘

記 水利記 風俗記 物產記

卷二 營建

城池記 廨署記 壇廟記 坊表記 倉儲記 津梁

記 茶亭燈樓 善堂記 義阡記

卷三 賦役

戶口記 田畝記 科則記鹽課 解支記 漕運記 蠲

振記

卷四文教

學宮記 學額記 禮樂器記 書院記賓興公項州 義學記

卷五武事

營汛記 咸豐同治年間粵寇記 殉難紳民記 殉難

婦女記

卷六職官

縣令表 學秩表 宜興僚屬表 荆谿僚屬表 城守

營表 水師營表

卷七選舉

科貢表 武科表 例仕表 武職表 封贈表 蔭襲表 恩叙表 榮壽表

卷八人物

名宦錄 忠節錄 治績錄 儒林錄 孝友錄 文學錄 義行錄 隱逸錄 藝術錄 寓賢錄 方外錄

列女錄 補錄

卷九古蹟

遺址攷 名勝攷 邱墓攷 寺觀攷

卷十藝文

載籍攷 金石攷

卷末襍著

徵祥 紀異 摭佚 定訛